

豫章贊書 第八冊

卷之三

章

卷之三

書

卷之三

卷之三

尚論後編



尙論後篇卷一目錄

尙論春三月溫症大意

溫症上篇計三法并諸方

溫症中篇計十二法并諸方

溫症下篇計十五法并諸方

附辨兩感溫症

仲誦後編卷一

尙論張仲景傷寒論重編三百九十七法卷之一

西昌喻 昌嘉言甫著

尙論春三月溫症大意

仲景書詳於治傷寒略於治溫以法度俱錯出於治傷寒中耳後人未解義例故春溫一症漫無成法可師而况觸冒寒邪之病少感發溫氣之病多寒病之傷人什之三溫病之傷人什之七古今缺典莫此爲大昌特會內經之旨以暢發仲景不宣之奧然僭竊無似矣厥旨維何內經云冬傷於寒春必病溫此一大例也又云冬

不藏精春必病溫此一大例也旣冬傷於寒又
冬不藏精至春月同時病發此一大例也舉此
三例以論溫症而詳其治然後與三陽三陰之
例先後同符蓋冬傷於寒邪藏肌膚卽邪中三
陽之謂也冬不藏精邪入陰臟卽邪中三陰之
謂也陽分之邪淺而易療陰分之邪深而難愈
所以病溫之人有發表三五次而外症不除者
攻裏三五次而內症不除者源遠流長少減復
劇以爲在表也又似在裏以爲在裏也又似在
表用溫熱則陰立亡用寒涼則陽竄絕凡傷寒

之種種危候溫症皆得有之亦以正虛邪盛不能勝其任耳至於熱症尤爲十中八九緣真陰爲熱邪久耗無以制亢陽而燎原不熄也以故病溫之人邪退而陰氣猶存一綫者方可得生然多骨瘦皮乾津枯肉爍經年善調始復未病之體實緣醫者於此一症茫然不識病之所在用藥不當邪無從解留連展轉莫必其命昌之目擊心傷者久之茲特出手眼以印正先人之法則祈以永登斯人於壽域後有作者諒必不以爲狂誕也

溫症上篇

謹將冬傷於寒春必病溫定爲一大例

冬傷於寒藏於肌膚感春月之溫氣而始發肌膚者陽明胃經之所主也陽明經中久鬱之熱一旦發出而外達於太陽有略惡寒而卽發熱者有大熱而全不惡寒者有表未除而裏已先實者有邪久往太陽一經者有從陽明而外達於太陽者有從太陽復傳陽明不傳他經者有自三陰傳入胃腑者有從太陽循經偏傳三陰如冬月傷寒之例者大率太陽陽明二經是邪所蟠據之地在太陽

則寒傷營之症十不一見在陽明則讞語發斑衄
血畜血發黃脾約等熱症每每兼見而凡發表不
遠熱之法適以增溫病之困阨耳況於治太陽經
之症其法度不與冬月相同蓋春月風傷衛之症
或有之而寒傷營之症則無矣且由陽明而達太
陽者多不盡由太陽而陽明少陽也似此則溫症
之分經用法比之傷寒大有不同而世方屈指云
某日某經某日傳經已盡究竟於受病之經不能
摸索以求良治所謂一盲而引眾盲相將入火坑
也冤哉生命古今誠一莫控矣

按溫熱病亦有先見表症而後傳裏者蓋溫熱自內達外熱鬱腠裏不得外洩遂復還裏而成可攻之症非如傷寒從表而始也 傷寒從表而始故悞攻而生變者多溫症未必從表始故攻之亦不爲大變然鬱熱必從外泄爲易悞攻而引邪深入終非法也

按溫熱病表症間見而裏病爲多故少有不渴者法當以治裏爲主而解肌兼之亦有治裏而表自解者其間有悞攻裏而致害者乃春夏暴寒所中之疫症邪純在表未入於裏故也不可與溫熱病

同論

●太陽病發熱而渴不惡寒者爲溫病

仲景原文

昌按溫者春令之氣也冬夏秋雖有氣溫之日不如春令之正且久也不惡寒三字內有奧義蓋時令至春則爲厥陰風木主事而與太陽之寒水不相涉矣故經雖從太陽而症則從春令而不惡寒也

再按溫病或有新中風寒者或有表氣虛不禁風寒者衛虛則惡風營虛則惡寒又不可因是遂指爲非溫病也然卽有之亦必微而不甚除太陽一

經則必無之矣

二形作似傷寒其脉不弦緊而弱非傷寒矣弱者必渴被火者必譏語弱者發熱所以渴也脈浮解之當汗出愈原文風性弱緩故脉亦弱弱者發熱卽內經諸弱發熱之義也脉既浮當以汗解之使汗出而愈取解肌不取發汗之意

按溫熱病原無風傷衛寒傷營之例原無取於桂枝麻黃二方也表藥中卽敗毒散參蘇飲等方亦止可用於春氣未熱之時若過時而發之溫病暑病尙嫌其藥性之帶溫況於桂麻之辛熱乎然仲

景不言桂麻爲不可用者有二說焉大者以剔出
桂麻則三陰絕無表藥也一者以桂麻用之不當
在冬月已屢致戒春月更可無贅也後之紛紛訾
議桂麻之熱者未嘗計及於冬不藏精之治耳惟
知春夏有不得不用也庶知仲景立方之神哉

●脈浮熱甚反炙之此爲實實以虛治因火而動必

咽喉吐血原文

脉浮熱甚邪氣勝也邪氣勝則實反炙之是實以
虛治也血隨火炙而妄逆在所必至矣咽喉者火
勢上逼枯涸之應耳若是少陰見症當不止此一

端故不入冬不藏精一例

四病如桂枝症

似乎中風

頭不痛項不強

則太陽無外入

之邪而非中風

寸脉微浮

則邪自內出而不當過表

胸中痞鞕

痰涎塞隔

氣上衝咽喉

不得息者胸中有寒也當吐之宜瓜蒂散病人有寒

復發汗胃中冷必吐

原文

昌按仲景不曰病似中風症而曰病如桂枝症者恐後人悞以治溫一例混入太陽中風之例而滋擾故更換其名也吐法多用梔豉湯此用瓜蒂散者取其吐頑痰而快膈湧風涎而逐水也有痰而悞發汗徒亡津液胃中空虛虧失所養故悖逆而

上出也

五 病人手足厥冷似涉厥陰脈乍緊者邪結在胸中非厥陰也心中滿而煩饑不能食者病在胸中當須吐之宜瓜蒂散

原文

按此症乃痰邪自內而作卽四症類傷寒之瘧症也仲景云病人身大熱反欲得近衣者熱在皮膚寒在骨髓也表裏虛實身大寒反不欲近衣者寒在皮膚熱在骨髓也表裏虛實此以互合之表裏言設合臟腑而統言之則皆謂之表矣

六 痘在陽表未罷熱未除應以汗解之反以冷水噀之其熱